



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 47. Legati Papæ adveniunt.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. furum; obstitit populus, & cum armatos
 A. C. 431. adduxisset, commota est Seditio, in qua
 aliqui illius Ecclesiæ pauperes tam male
 habiti, ut semimortuis similes jacerent.
 Hæc omnia ex epistola Memnonis disci-
 mus, qui sub finem Clericos urbis Con-
 stantinopolis rogat, ut ea, quæ a Joanne,
 & Sæctatoribus ejus per vim facta essent,
 vulgarent, & impetrare adlaborarent, ut
 Comites Candidianus, & Irenæus, tumultu-
 cientes, urbe Epheso discedere jube-
 rentur. Irenæus sponte sua abiit, quem
 Schismatici miserunt Constantinopolim,
 ut ibi fortius causam eorum ageret. Pro-
 ficiscenti aliam epistolam, aliaque relata
 commiserunt, in quibus easdem crimina-
 tiones in Cyrillum, & Memnonem reco-
 quebant, eoque collimabant, ut in aliam
 Civitatem Concilium transferretur. Hæc
 Conc. Ephes. p. 713. epistola Irenæo data, qua fidem facere
 posset, se a Nestorio, & Concilio ejus
 missum.

§. XLVII.

Legati Papæ adventant.

Conc. Ephes. p. 610. Inter hæc Legati Sanctæ Sedis Ephesum
 advenerunt, & sine dilatione secunda
 Concilii Sessio in Domo Episcopali Mem-
 nonis, secundum Romanos Sexto Idus Ju-
 lii, secundum Ægyptios decima sexta
 Epiphi, id est, decima Julii, eodem anno
 431. celebrata. S. Cyrillus, sicut antea,
 Locum

Locum Papæ tenens, Concilio præerat. Sæculum V.
A. C. 431.
 Juvenalis Jerosolymitanus, Memnon
 Ephesinus, Flavianus Philippensis, Rufi
 Thessalonicensis Vicarius, Theodotus An-
 ciranus, Firmus ex Cappadocia, & cœte-
 ri omnes Episcopi intererant, atque et-
 iam Bessula Diaconus Carthaginensis. Cum
 Patribus introducti sunt, & ad considen-
 dum invitati Occidentis Legati, numero
 tres; Episcopi duo, Arcadius, & Proje-
 ctus, & Philippus Presbyter; is prior ef-
 fatus, dixit: *Agimus Gratias adorandæ* p. 621.
Trinitati, quod nos ad Sanctum vestrum
Conventum deduxerit. Diu est, quod Pa-
ter noster Cælestinus per Epistolas suas ad
S. Episcopum Cyrillum datas, quæ vobis
exhibitæ fuere, sententiam in hac causa
pronuntiaverit; hodie vero alias ad vos
direxit, quas reddimus; jubete, ut legan-
tur, & actis Ecclesiasticis inserantur. Idem
 duo delegati Episcopi Arcadius, & Proje-
 ctus petierunt; cumque hi tres latine lo-
 querentur, eorum dicta Græce expone-
 bantur, nempe patrio Patrum Concilii
 fermone. S. Cyrillus mandavit, ut S. Cœ-
 lestini Epistola legeretur, eamque Siri-
 cius, Ecclesiæ Romanæ Notarius, latine
 legit. Juvenalis, Episcopus Jerosolymi-
 tanus, petiit, ut ad Acta referretur; om-
 nes Episcopi petierunt, ut ea in Græcum
 transferretur. Philippus Presbyter di-
 xit: *pro antiqua consuetudine factum, ut*
primo

Sæculum V. *primo Epistolæ Sedis Apostolicæ latino ser-*
A.C. 431. *mone prælegerentur, sed curæ nobis fuit, ut*
hæ præsentibus in Græcum verterentur; Epis-

p. 614. *copi Arcadius, & Projectus hujus versionis*
causam addiderunt, quod multi Episcopi
latini sermonis essent ignari. Ergo Petrus,
Presbyter Alexandrinus, Epistolæ S. Cœle-
stini Papæ versionem Græcam prælegit.

Hujus epistolæ initium tale est: *Epis-*
coporum Congregatio Spiritus Sancti præ-
sentiam testatam facit; nam Concilium

Act. 15. *Sanctum est per Venerationem sibi debitam,*
quod amplissimum Apostolorum Cætum re-
præsentet, qui nunquam Magistri sui, cui-
jus Doctrinam prædicare jussi erant, mi-
xilio destituti sunt. Ipse per eos docebat,

Luc. 10, 16. *ipse inspiraverat, quid prædicarent, qui*
promiserat: qui vos audit, me audit. Ipsum
docendi munus æqualiter omnibus Episco-
pis datum, ad id omnes nos jure Hæredita-
rio obligamur; nos inquam! qui Apostolis
succedentes, Nomen Domini per diversas
Mundi Regiones annuntiamus, secundum
 Matth. 28. *verba ad Apostolos dicta: ite, & docete uni-*
 19. *versas Gentes! bene notate, Fratres mei!*
mandatum generale nobis esse impositum,
& Christum voluisse, ut id omnes adimple-
remus, cum id nobis omnibus æqualiter in-
jectum sit. Omnes eorum labores in nos
suscipiamus, quorum Dignitati omnes suc-
cessimus. ()*

S. Cœ-

(*) Hic offenditur Anonymus I. quod Fleury
 Legat.

S. Coelestinus Papa his verbis agnos-
 cit, ipsam Jesum Christum Episcopos suæ
 Ecclesiæ Doctores in Persona Apostolo-
 rum constituisse; ipse Papa in ordinem
 eorum se ponit, & declarat, omnes simul
 teneri ad laborem, ut pium Doctrinæ Apo-
 stolicæ depositum conseruent. Ad hoc
 ipsum probandum reliqua hujus Epistolæ
 tendunt; utitur Papa argumento ab ad-
 junctis Civitatis illius, in qua congrega-
 ti erant, ubi S. Paulus, & S. Joannes Evan-
 gelium prædicassent; S. Joannes, inquit
 in Epistola: *cujus Reliquias præsentem ve-
 neramini!* (*) In hac etiam epistola Epis-
 copis Arcadio, & Projecto, & Presbyte-
 ro Philippo Legationis suæ testimonia
 dantur, qui, ut verba sonant: *omnibus,
 quæ agentur, intersint, & quæ mandavi-
 mus, exequantur.* Signum appositum est
 octavo Idus Maji, seu octava ejusdem
 Mensis, eodem an. 431. Hac

Sæculum V.
 A. C. 431.

Cont. Ephes.
 p. 615.

Legatos Summi Pontificis, Delegatos Occiden-
 tis semel appellaverit. Cæterum hæc S. Cœle-
 stini Papæ Epistola illi quæstioni plurimum lucis
 affert, a quo Episcopi suam Jurisdictionem, & jus
 prædicandi accipiant?

(*) Jam tertio Fleurius de Reliquiis S. Joan-
 nis mentionem affert, & de Corpore Bmæ Vir-
 ginis tacet; nec est verosimile S. Papam Cœlesti-
 num, dum S. Joannis Reliquias commemorat, de
 Reliquiis Matris Dei taciturum fuisse, si eas æque
 ibi asservari credidisset.

Hist. Eccles. Tom. VI.

K

Sæculum V.

A. C. 431.

p. 918.

Hac lectione audita, omnes Episcopi conclamare: *Iustum est hoc Judicium! Gratias Cælestino, alteri Paulo, Cyrillo, alteri Paulo, Cælestino, Fidei Conservatori, Cælestino, qui Concilio consentit, totum Concilium Gratias agit Cælestino. Unus Cælestinus! unus Cyrillus! una fides Concilii! una totius orbis terrarum fides!* Episcopus Projectus dixit: *Epistolæ Papalis formam attendite! non docere vos vult, tanquam rerum ignaros, sed, qua scitis, in memoriam revocare, ut ea, qua diu ante judicavit, perficiatis.* Firmus ex Cappadocia dixit: *Sacra Sedes Cælestini hanc causam jam definivit, (*) atque per epistolas, ad Cyrillum Alexandrinum, Juvenalem Jerosolymitanum, Rufum Thessalonicensem, & Ecclesias Constantinopolitanam, & Antiochenam directas, Sententiam pronuntiavit; In virtute, & in executionem hujus Sententiæ contra Nestorium Judicium Canonicum tulimus, postquam dies eidem ad emendationem dicta præterisset, & diu Ephesi ultra præfinitam ab Imperatore die expectassemus.*

Sessio
Secunda.

Episcopus Arcadius, Legatorum unus, dixit: *Lenta navigatio, & venti adversi moram injecere, hinc tam cito, ac sperabamus,*

(*) Interpres Protestans, talia ex Concilio Ephesino transferens, sui calami stilo suam Ecclesiam configit.

bamus, advenire non potuimus; igitur
 rogamus vos, ut edoceatis, quæ interea e-
 geritis. Philippus Presbyter eadem re-
 quisivit, postquam pro acclamationibus,
 in honorem Papæ cedentibus, Concilio
 Gratias egisset, & S. Petri Primatum lau-
 dasset. Theodotus Ancyranus dixit:
Deus, quam justa sit Concilii Sententia
per missas Epistolas piissimi Episcopi Cæ-
lestini, & per vestram præsentiam osten-
dit; cum vero, quæ gesta sint, quæra-
tis; hæc plenissime ex ipsis Actis Depo-
sitionis Nestorii intelligetis; quam pio
zelo Patres Concilii arserint, & quam
conformis eorum fides sit illi, quam Cæ-
lestinus coram toto orbe profitetur, per-
spicietis. In hunc modum secunda Con-
cilii Sessio finita.

Legati Papæ mandata scripta accepe-
 rant, eadem die, qua Epistola ad Conci-
 lium, nempe octava Maji data, in hæc
 Verba: *Mandata Cælestini Papæ Episco-*
pis, & Presbyteris, in Orientem profi-
ciscentibus. Postquam per Dei Gratiam,
ut speramus, in locum, ad quem vaditis,
perveneritis, tota, qua potestis, attentio-
ne in Confratrem nostrum Cyrillum ad-
vertite! & omnia, quæ ipsi visa fuerint,
facite! id quoque vobis mandamus, ut sa-
crae Sedis Apostolicæ Auctoritati conser-
vanda invigiletis, quia mandatum vobis,
ut in Concilio præsentis sitis; si vero con-

Sæculum V.
 A. C. 431.

Coll. Bal. p.
 381.

K 2 tentio

Sæculum V.
A. C. 431. *tentio exorta fuerit, vos dissidentium opi-
niones judicate; at litigare nolite! (*) Si
videritis, finem Synodo impositum, omnes-
que Episcopos domum reversos, inquirete,
quis rerum eventus fuerit; si pro antiqua
fide Catholica decisum fuerit, & si scive-
ritis, Fratrem meum Cyrillum Constanti-
nopolim*

(*) Verba ipsa Concilii sunt: *Ad discepta-
tionem si fuerit deventum, vos de eorum sen-
tentis dijudicare debetis, non subire certamen.*
Fleurius hæc reddidit: Vous devés juger de
leur avis, sans entrer en dispute. Vos de eo-
rum opinionibus judicare debetis, & non inire
discepcionem. P. Balduinus suspicatur, quod
detorqueat verba Concilii, & velit dicere: Vous
devés juger de leur avis: Debetis eorum opi-
nionem sequi. Ipsi vox: *juger* hic significat:
suivre, seu sequi. Quis non videat hic a P. Bal-
duino nodum in scirpo quæri? imo Summi Pon-
tificis Auctoritas, & Legatorum ex hoc Numero
† *Num. eod.* vel maxime elucet, dum paulo superius † Fleur-
XLVII. rius S. Coelestini verba transtulit: *Omnibus,
quæ agentur, intersint, & quæ mandavimus,
exequantur!* Rursus post pauca; *Sacra Sedes
Coelestini hanc causam jam definivit &c.* P. Bal-
duinus per saltum deinde transit ad Epistolam
S. Leonis Papæ ad Episcopos Provinciæ Viennensis
datam, dicitque, Fleurium non omnia ex ea
excerpsisse, quæ ad stabiliendam Papæ Auctori-
tatem faciunt. Bonus vir in medio mari aquas
quærit.

nopolim abiisse, illuc vobis quoque eundum
erit, & Epistolæ nostræ Principi traden-
dæ. Si res aliter ceciderit, & regnet
Diviso, ex adjunctis circumstantiis judi-
cabitur, quid vobis cum Concilio dicti
fratris nostri faciendum. Ipsa puncta,
quæ in his mandatis continebantur, non
habemus, sed Epistola extat Papæ ad
Imperatorem Theodosium, decima quin-
ta Maji data, quæ publicæ fidei Legato-
rum, ad quos mittebantur, testimonia
exhibet, & rursus alia ad S. Cyrillum, die
septima data, in qua inter alia legitur,
eum, qui errores retractat, semper ad
pœnitentiam recipiendum.

Sæculum V.
A. C. 431.

Conc. Ephes.
p. 619. p. 621.

§. XLVIII.

*Legati Depositionem Nestorii con-
firmant.*

Alterâ die, quinto Idus Julii, seu decima
septima *Epiphi*, id est, undecima Ju-
lii, eodem anno 431. Concilium in eo-
dem loco, nempe domo Memnonis Epis-
copali congregatum. Juvenalis Jero-
lymitanus ex Legatis Papæ quæsit, an
ipsis Acta Depositionis Nestorii, sicut
Concilium jusserat, fuissent communi-
cata. Philippus Presbyter respondit, se
ex Actorum lectione cognovisse, omnia
secundum Canones fuisse gesta. Nihil-
ominus petiit, ut adhuc semel in pleno

p. 622.

p. 625.

K 3

Con-